


www.BibleForChildren.org


Matiyu 26



Buki ni nyenteri
rigye nana shida,
Yesu te a kesa ni
Betani, anya de Lazaru
nsude Yesu dege yi a
kumsha yaa zunwa. Se
Meremu la koluba ni meyi
kemeshi ni nardi de ma
sere, meyi kemeshi nsu
gyolo nyowa, e la nya a seni Yesu
nja e shire Yesu seni ni gesa kiya
yi. kemeshi kakada gizi ni guru.



Anyan ni Yawuda Isikariyoti, daa a siki ni sha bi, te anyan ni toree pirisi de butu Yesu a beyi ba su. De su zi yomu su yi peri siki ari su yi anikowori de su beyi gyolo. Yawuda bila turiki de yaa butu Yesu a beyi ba su.



Yayagizi Yesu su yi yiride e pala
gye su nkye su shiriya mbosi ni
buki yenteri. De sua si mbosi, Yesu
la buredi, e gbede Mirikisi se e sua,
e ba yayagizi e yi nkye, <<La de ku
suku; nki na ka.>> Se e la koshiya, e
gbede Mirikisi se e la ba su, nkye,
<<Ku sha a siki e yi, guru aku.

E shiya ma zini ni sabuwa
ni anikowori, de
nya sobon yowa
ntani de yape
lepi asu.>>



<<Yesu nkye, Sima, Sima, obiri yaa bila dama de gwada ku kankye nsu bikiya yaa laba alikama. Sede E ni yi ku lepa, de beigaskye ku yaa puari ba. Nde ki sakisi ka ba yayuwa ke sori guyam.>> Sede Biturusu keleba, <<Obagizi ni ma ashiri de ni te nja ke a jaru nja ko ni muntu.>> Yesu nkye Na gye ke, Biturusu, kapi zakala yi kara yawumu, ka yi musu shina ni sen wuku.



Se Yesu nja yayagizi yi su
te anya de sua sukwa yi
nkye Gesemani, se e gye
su nkye, <<Ku zunwa
anya mu de Ni ta geba
anya ni te yi lepa.>> Yesu
nkye, <<Aba, Adaa>>
<<Kowoni mbo ma nsu yu
la anya ke. De ki la koshiya
Genbeki mu bila ni. Ba
mbode e ni na so ba, sede
mbode E ke ka so.>>



Se Yawuda nja toree pirisi nja keshi ni shoja Roma nja nsu kpanku Laki Mirikisi nja worosu parisiyawa zo anya ni, su keyi wuta pitila nja keyi yanki. Se daa a siki yayagizi Yesu za kusa yanka daa a siki bunwa tolense ni pirisi. E yanka yi kuni dama. Sede Yesu gye su, <<Ku bila kede ku yi yomu ba!>> Yesu kpa kuni yaa minzi ni e worikye yi Yesu gye tolense ni pirisi, salaki nsu kone laki Mirikisi, nja toree geri worede su zo anya yi, <<Yesu gye su nkye, Ni ma nsu ki zi na, de ku kwa yi ntani zo anya ni obalaba nja gwala?>>



Na su ka Yesu, su te nshi a gizi ni tolense pirisi.
Biturusu ta biya su nyisa. Na su wula wuta a sisika
papada gizi shiriya na e zunwa gabada,
Biturusu zunwa nja su.




Bunwa daa dege siki tolense ni pirisi, de ma zuriya ni nseminji de Biturusu yanka yi kuni nkye, <<Ni geni ke yere nja nseminji mu a bikiya bo?>> Se Biturusu yi musu jaja nkye yi, dandani zakala yi kala. Biturusu butu te a woze na e yi kuka ni bekisiki soseyi worede sua kpanku Yesu su yi siya nja dukwa yi.




Se guru ntani dege la Yesu te nshi
anya Bilatu Se su para sua yaruwa ja
Yesu, Mu geni nseminji mu yaa dege
a ankeli ni ntani kesa mu, yaa nana
su beyi gendu ba Kesar nja yaruwa
nkye e ma kiristi, seleki.
Se Bilatu minya Yesu
nkye, <<E ke na ki ma
seleki ni ntani yawudawa?>>
Yesu keleba nkye <<Yomuna,

yiride ki pala,>>. Se Bilatu
sakye yi su beta de e shika Yesu.


Sede su sigeba ni kuruwa,
<<Gidiri e yi! Gidiri e yi!>>




<<A karishe Bilatu la Yesu ba su a nani su de su gidiri. Se shoja ka Yesu. Su butu ni Yesu te nshi a woze e keyi gidiri, e butu te a woze ni totolo geri te anya de sua sukwa yi kwankwankiya,>> ni arishiya Yawudawa sua sukwa yi goligota.



Anya ni su gidiri Yesu nja ntani bi daa
a nani dama daa a nani guni se Yesu
ma a sisika su.



Sede kyakya keripi gomu sha bi dopuwa ripe guru
kesa ari keripi wuku ni nyema; nana bila asikye. Na
labile de ma a siki gizi Mirikisi laba bi. Se Yesu dege
murinya nsori yi kuruwa nkye,
<<Adaa na! A siki nani ke
na ni munka aworo na.>>
De Yesu pala yomu
se e muntu.



Se Yusupu ni Arimatiya, tolense a
siki salaki, de ema pekye zo ni
Solota Mirikisi, e te minya
Bilatu de beyi ganga nki
ni Yesu de bishina
ba womba.

Yusupu see woriki
peri, e sonka ni nki
Yesu, e lende yi a siki
woriki peri e sa yi a
siki kumsha de su
yanka a siki dunsu, se
su kiri dunsu totolo ripe
baki kumsha.



Nana daa, de a biya nana ni shiri,
toree ni pirisi nja parisiyawa su ta
geba Bilatu,
<<Tolense,>> su nkye,
<<mu turunwa kwanki
de e man leyi yaa gye
ntani nkye, <Beyi
nana wuku na
dege.> >>



Se su te sua kone kumsha su ripe a
kiya dunsu su sa
nsu kpanku.




A beyi nana asibi, nsasape nana peri,
meremu dege magadaliya nja woni
Meremu su te de su kone
kumshaDandani su yi
totolo juru kesa, se
meleku ni Obagizi zo
dege bisi, e kiri
dunsi a baki
kumsha, se

zunwa a
kiya yi.

Nsu kpanku su zi
womba yi na su
birikita na su
kwakwana ka ke
gan ni ntani.




Meleku beta nja mata. <<Kede ku zi
womba, Eni shina nkye kwa bila
Yesu la, nsu de su sa yi a
bisi gidiri. E shi ma anya
mu ba; E shi a dege,
yiride a gye ku. Zo
de ku geni anya
de kwana.>>



Se mase ni yi seberi bila kumsha, ni womba sede e mani perisiki, se e yi gudu te gye yayagizi yi. De Yesu gomu nja su. E gye su nkye <<gesuwa,>> Su zo anya yi, na su dunkye a seni yi na su bayi girima.





Dege beyi Yesu nana kiya yi te nja gom sha daa a kwanki de sua si mbosi; se Yesu kobe su de su ki beigaskye nja lesa zi de su ki yeda ni worede gye su nkye su geni yi, a beyi de e dege. A beyi de Yesu yi beta nja su, Mirikisi leyi te a bisi te zunwa a nani dama e yi.



Sobon so de Mirikisi yi ntani durinya
mu ari e beyi Yaa yi ndandaa, sobon
guru nsude yeda nja shi yaa muntu
ba sede yaa mani leyi ni gbogbo.



Roman 3:23

Konwawa yi lepi nja mu yi nisa dereja Mirikisi,

Roman 6:23

Sobon nani wuta ni lepi e shiya ma muntu; sede
kyawuta ni Mirikisi e shiya ma leyi ni gbogbo
a siki Kiristi Yesu Obagizi mu.

Abi 9:27

Konse e ma dole na e muntu sen daa, a beyi
nsum Mirikisi yaa yi shiriya,



Apisawa 2:8,9

Sobon ta anya aniyeri la mu samu sila, te anya beigaskye, da mu ma yi aku naba, sede kyawuta ni Mirikisi, ba sobon ni ANKI kyakyawu de mu yi naba, de kede nseda dege dolo.

Roman 10:9,10

Nde ki pala mbaki ke nkye, Yesu e ma Obagizi la, ki kwa beigaskye a siki dishiya ke nkye Mirikisi dege yi a kumsha, Mirikisi yaa sila nke. Sobon dege siki dishiya nsebeki yaa beigaskye de yi zunwa mere lepi a geba Mirikisi, ni baki la nsebeki yaa beyi sheeda de e samu sila.



Joni 3:16,17

Sobon so de Mirikisi yi ntani durinya mu ari e beyi Yaa yi ndandaa, sobon guru nsude yeda nja shi yaa muntu ba sede yaa mani leyi ni gbogbo. Mirikisi saka Yaa yi a durinya ba de e yi ntani durinya shiriya naba, sede e sila ntani durinya.

1 Joni 5:11-13

Osu na e ma sheeda nkye: Mirikisi ba mu leyi ni gbogbo, leyi mu e ma a siki Yaa e yi na. Du nsude man Yaa e man leyi; du nsu de man Yaa ni Mirikisi ba e man leyi ba. Ni rubuta ku mbo worosu mu oku de ku yeda ni seni Yaa ni Mirikisi de ku shina nkye ku ma ni leyi ni dindindin.



Matiyu 26-28; Luka 22-24; Joni 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Gwandara NT (gwn) The Word for the World International
and The Word for the World Nigeria

<https://www.bible.com/bible/4458/MAT.1.GAA>

©2026 Bible for Children, Inc.

www.M1914.org

www.bibleforchildren.org

